



UKK/600-01/05 (70)

## SIARAN MEDIA

### “YOUNG ART ENTREPRENEURS (YAE!): EMBRACING A NEW CHAPTER”

**26 JUN 2024** – Balai Seni Negara menganjurkan pameran akhir bagi program Young Art Entrepreneurs (YAE!) cohort ke-9 iaitu “**Young Art Entrepreneurs (YAE!): Embracing A New Chapter**” bermula dari 22 Jun hingga 8 Julai 2024 di GMBB, Kuala Lumpur. YBrS. Encik Mohd Yusri Mohd Yusoff, Timbalan Ketua Setiausaha (Kebudayaan) Kementerian Pelancongan, Seni dan Budaya (MOTAC) telah merasmikan program YAE! pada hari ini.

Bertemakan “**Embracing A New Chapter**”, program YAE! cohort ke-9 ini telah berjaya menarik penyertaan seramai 15 orang peserta yang terpilih untuk menjalani sesi pembelajaran ilmu keusahawanan secara intensif selama empat bulan di Art Depot, Balai Seni Negara. YAE! bertujuan untuk memberi persediaan kepada penggiat seni muda dalam melengkapkan diri dengan ilmu pengetahuan, kemahiran dan ciri-ciri keusahawanan dalam dalam bidang seni yang maju serta berdaya saing.

Sepanjang pelaksanaannya, para peserta didedahkan dengan asas keusahawanan, kaedah pengurusan projek, teknik promosi dan pemasaran serta kaedah membina ‘*Business Model Canvas*’ yang betul. Mereka turut berpeluang untuk menyertai pasaran seni di program-program kesenian dengan sokongan Balai Seni Negara dan berkongsi pandangan melalui penganjuran bengkel seni. Balai Seni Negara berjaya melahirkan seramai **138 usahawan seni** melalui program Yae! sejak diperkenalkan pada tahun 2017.

Balai Seni Negara turut menghargai kerjasama pihak GMBB Kuala Lumpur atas penajaan lokasi dan sokongan yang berterusan terhadap program YAE!. Ia sekaligus

dapat memberi pengalaman baharu kepada para peserta dalam menjalankan perniagaan di premis kreatif seperti GMBB Kuala Lumpur.

Majlis turut dihadiri oleh YBrs. Encik Shaik Rizal Sulaiman, Pengerusi Lembaga Pembangunan Seni Visual Negara (LPSVN), YBrs. Encik Amerrudin Ahmad, Ketua Pengarah Balai Seni Negara, YBrs. Puan Lim Ying Hui, Pengurus Besar GMBB Kuala Lumpur, pegawai-pegawai kanan MOTAC, jabatan dan agensi serta para penggiat seni.

Orang ramai dijemput hadir ke pameran akhir **“Young Art Entrepreneurs (YAE!): Embracing A New Chapter”** di **GMBB Kuala Lumpur** yang akan berakhir pada **8 Julai 2024**. Maklumat lanjut layari laman sesawang [www.artgallery.gov.my](http://www.artgallery.gov.my) atau ikuti media sosial rasmi Balai Seni Negara.

---

*Dikeluarkan:*

**Unit Komunikasi Korporat**  
**BALAI SENI NEGARA, MALAYSIA**

No. 2 Jalan Temerloh, Off Jalan Tun Razak, 53200 Kuala Lumpur

Tel.: 03-40267000 Fax: 03-40244998

E: [ukk@artgallery.gov.my](mailto:ukk@artgallery.gov.my) W: [www.artgallery.gov.my](http://www.artgallery.gov.my)

**Untuk pertanyaan, sila hubungi:**

**Balai Seni Negara:**

**Zuriyadi Sarpin**

T: +60 11 1005 5207

E: [zuriyadi@artgallery.gov.my](mailto:zuriyadi@artgallery.gov.my)

**Intan Syazwina Suhaimi**

T: +60 19 998 5884

E: [syazwina@artgallery.gov.my](mailto:syazwina@artgallery.gov.my)